



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13, 89/16, 5/22 i 31/24) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08, 5/22 i 39/25), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2022. GODINU HRVATSKE KRŠĆANSKE DEMOKRATSKE UNIJE BOSNE I HERCEGOVINE

Broj: 03-07-6-535/23
Sarajevo, 19.12.2025. godine

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE.....	9

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske kršćanske demokratske unije Bosne i Hercegovine za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2022. godinu, utvrđeno je da je Hrvatska kršćanska demokratska unija Bosne i Hercegovine prekršila odredbe člana 4. stav (1), člana 5. stav (4), člana 11. stav (1), člana 12. Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske kršćanske demokratske unije Bosne i Hercegovine za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2022. godinu, Hrvatska kršćanska demokratska unija Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	33.483,61	100,00
8.	Prihodi od propagande (3-g)	0,00	0,00
I	Ukupni prihodi (1-8)	33.483,61	100,00
II	Ostali prihodi i drugo	0,00	0,00
	Izvori finansiranja (I+II)	33.483,61	100,00

U godišnjem finansijskom izvještaju za 2022. godinu, Hrvatska kršćanska demokratska unija Bosne i Hercegovine je iskazala rashode u ukupnom iznosu od 25.650,42 KM.

2. PREDSTAVLJANJE POLITIČKE STRANKE

Politička stranka je upisana u registar kod Kantonalnog suda u Livnu, Rješenjem broj: R-I-7/96 od 14.06.1996. godine. Rješenjima Općinskog suda u Mostaru broj: R/3-09 od 26.10.2009. godine, broj: R/5-14 od 08.12.2014. godine i broj: R/1-21 od 20.09.2021. godine upisane su promjene sjedišta stranke i lica ovlaštenog za zastupanje i predstavljanje stranke.

Sjedište stranke je u Mostaru, ulica Kneza Višeslava bb.

Lice ovlašteno za zastupanje stranke je Ivanka Barić, predsjednica stranke.

Lice ovlašteno za finansijske izvještaje za 2022. godinu je Ivanka Barić.

Prema podacima iz godišnjeg finansijskog izvještaja za 2022. godinu, organizacionu strukturu Hrvatske kršćanske demokratske unije Bosne i Hercegovine čine:

- Glavni odbor stranke u Mostaru i
- 15 općinskih odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske kršćanske demokratske unije Bosne i Hercegovine za 2022. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je troškove izborne kampanje ostvarila u okviru zakonom utvrđenog limita.

Obim pregleda i kontrole finansijskog izvještaja Hrvatske kršćanske demokratske unije Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled i kontrolu finansijskih izvještaja Hrvatske kršćanske demokratske unije Bosne i Hercegovine u periodu od 2007. do 2021. godine, nakon čega su izdati izvještaji o reviziji, odnosno izvještaji o pregledu sa mišljenjem revizora, nalazima revizije i preporukama političkoj stranci.

Nakon izvršenog pregleda godišnjeg finansijskog izvještaja za 2021. godinu, izdat je Izvještaj o pregledu sa mišljenjem revizora, nalazima i preporukama stranci: da svake godine donosi program utroška sredstava i da finansijska sredstva osigurana za finansiranje političke stranke koristi isključivo za ostvarivanje ciljeva utvrđenih svojim programom i statutom, da uspostavi evidenciju o donacijama, bez obzira na koji način ih ostvaruje i prijavljuje ih u finansijskom izvještaju, da se ne finansira iz zabranjenih izvora, da uspostavi pravilne i potpune evidencije o svojim prihodima i rashodima i da finansijske izvještaje koje podnosi Centralnoj izbornoj komisiji BiH popunjava u skladu sa njenim podzakonskim aktima.

Nerealizovane preporuke:

Na osnovu uočenih nedostataka u godišnjem finansijskom izvještaju za 2022. godinu, utvrđeno je da Hrvatska kršćanska demokratska unija Bosne i Hercegovine nije ispoštovala date preporuke.

5. NALAZI I PREPORUKE

5.1 NALAZI

a) Hrvatska kršćanska demokratska unija Bosne i Hercegovine je prekršila odredbe člana 4. stav (1) Zakona o finansiranju političkih stranaka ¹.

U godišnjem finansijskom izvještaju za 2022. godinu, Hrvatska kršćanska demokratska unija Bosne i Hercegovine iskazala je ukupne rashode u iznosu od 25.650,42 KM.

Hrvatska kršćanska demokratska unija Bosne i Hercegovine je 07.04.2023. godine, uz godišnji finansijski izvještaj za 2022. godinu, dostavila Program utroška sredstava za 2022. godinu.

S obzirom da je politička stranka Program utroška dostavila uz godišnji finansijski izvještaj za 2022. godinu, kada su troškovi već bili poznati, isti nije uzet u razmatranje prilikom kontrole utroška sredstava, pa smatramo da je finansijska sredstva u iznosu od 25.650,42 KM utrošila bez programa

¹ U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

utroška sredstava za 2022. godinu, čime je prekršila odredbe člana 4. stav (1) Zakona o finansiranju političkih stranaka.

b) Politička stranka je prekršila odredbe člana 5. stav (4) Zakona o finansiranju političkih stranaka.

Hrvatska kršćanska demokratska unija Bosne i Hercegovine u poslovnim knjigama nije evidentirala, niti je u finansijskom izvještaju prijavila nenovčanu donaciju koju je ostvarila korištenjem poslovnog prostora u Mostaru, površine 59,40 m², bez plaćanja zakupnine. Prostor je političkoj stranci dodijelilo pravno lice ToRo d.o.o. Mostar na korištenje bez naknade u periodu od 01.01. do 31.05.2022. godine. Cijena mjesečne zakupnine poslovnog prostora od 01.06.2022. godine je iznosila 347,49 KM.

Politička stranka je, u skladu sa odredbama iz člana 5. stav (4) Zakona o finansiranju političkih stranaka, bila obavezna u poslovnim knjigama uspostaviti evidenciju o navedenoj donaciji i istu iskazati u obrascu 3-e godišnjeg finansijskog izvještaja u iznosu od 1.737,45 KM, koliko iznosi zakupnina za 5 mjeseci korištenja poslovnog prostora bez naknade.

c) Hrvatska kršćanska demokratska unija Bosne i Hercegovine prekršila je odredbe člana 11. stav (1) i člana 12. Zakona o finansiranju političkih stranaka i člana 15.1 Izbornog zakona Bosne i Hercegovine.

Na osnovu obavljenog pregleda godišnjeg finansijskog izvještaja, utvrđeno je da Hrvatska kršćanska demokratska unija Bosne i Hercegovine nije u poslovnim knjigama uspostavila potpune evidencije o svojim prihodima i rashodima, te obrasce godišnjeg finansijskog izvještaja za 2022. godinu nije popunila u skladu sa odredbama Pravilnika o godišnjim finansijskim izvještajima političkih stranaka (u daljem tekstu: Pravilnik), čime su prekršene odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Politička stranka nije uspostavila potpune evidencije o troškovima izborne kampanje čime je prekršila odredbe člana 12. stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

(1) U obrascu 2 (Pregled prometa svih transakcijskih računa stranke) godišnjeg finansijskog izvještaja, politička stranka nije iskazala tačne podatke o prometu ostvarenom putem transakcijskog računa broj: 1340011130038145 kod ASA banke d.d., te nije prijavila transakcijski račun broj: 1340011130077818 kod ASA banke d.d., čime je prekršila odredbe člana 11. Pravilnika.

- U obrascu 2 godišnjeg finansijskog izvještaja politička stranka je iskazala transakcijski račun Glavnog odbora Mostar broj: 1340011130038145 otvoren kod ASA banke d.d. sa sljedećim stanjem i prometom: početno stanje u iznosu od 17.259,82 KM, ukupan promet ulaza u iznosu od 33.483,61 KM, ukupan promet izlaza u iznosu od 25.650,42 KM i stanje na dan 31.12.2022. godine u iznosu od 25.093,01 KM. Uvidom u izvode sa ovog transakcijskog računa, utvrđeno je da je početno stanje na dan 01.01.2022. godine iznosilo 17.259,82 KM, ukupan promet ulaza 89.283,61 KM, ukupan promet izlaza 78.944,87 KM, te stanje na dan 31.12.2022. godine 27.598,56 KM.

- Uvidom u Izvještaj o računima poslovnog subjekta koji se vodi kod Centralne banke Bosne i Hercegovine, utvrđeno je da stranka u godišnjem finansijskom izvještaju nije iskazala transakcijski račun broj: 1340011130077818 kod ASA banke d.d., a koji je bio aktivan u 2022. godini. Stranka je na navedenom računu imala sljedeći promet: početno stanje u iznosu od 0,00 KM, ukupan promet ulaza u iznosu od 25.000,00 KM, ukupan promet izlaza u iznosu od 25.000,00 KM i stanje na dan 31.12.2022. godine u iznosu od 0,00 KM.

(2) Politička stranka nije u obrascu 2.1 (pregled stanja blagajne) iskazala promet ostvaren putem blagajne, čime je prekršila odredbe člana 12. Pravilnika.

U poslovnim knjigama političke stranke evidentirano je sljedeće: početno stanje na dan 01.01.2022. godine u iznosu od 1.091,41 KM, ukupan promet ulaza u iznosu od 0,00 KM, ukupan promet izlaza u iznosu od 111,80 KM, te stanje na dan 31.12.2022. godine u iznosu od 979,61 KM.

- (3) Politička stranka je godišnji finansijski izvještaj popunila na nivou stranke, iako u svojoj organizacionoj strukturi ima niže organizacione dijelove koji su ostvarili prihode i rashode.

Uvidom u poslovne knjige i izvode sa transakcijskog računa, utvrđeno je da je stranka koristila poslovni prostor u Vitezu i po tom osnovu fizičkom licu A.F. platila zakupninu u iznosu od 900,00 KM.

Prihod iz budžeta su, pored Glavnog odbora stranke, ostvarili Općinski odbor u Vitezu i Općinski odbor u Neumu.

U skladu sa odredbama člana 5. i člana 7. Pravilnika, Hrvatska kršćanska demokratska unija Bosne i Hercegovine je bila obavezna da režijsko-administrativne troškove, koje je u izvještaju prijavila u iznosu od 25.650,42 KM, iskaže po organizacionim dijelovima.

- (4) Politička stranka nije evidentirala u poslovnim knjigama, niti je prijavila u finansijskom izvještaju nenovčanu donaciju koju je ostvarila korištenjem poslovnog prostora bez naknade, kao što je navedeno u nalazu pod b). Neprijavlivanjem nenovčane donacije stranka je prekršila odredbe člana 13. i člana 18. Pravilnika.

- (5) Hrvatska kršćanska demokratska unija Bosne i Hercegovine, u poslovnim knjigama i godišnjem finansijskom izvještaju, nije iskazala tačne podatke o troškovima zakupa poslovnog prostora, čime je prekršila odredbe člana 21. i 22. Pravilnika.

Uvidom u obrazac 4.1 (režijsko-administrativni i ostali troškovi) godišnjeg finansijskog izvještaja, utvrđeno je da je politička stranka iskazala troškove zakupnine poslovnog prostora Glavnog odbora Mostar u iznosu od 3.332,43 KM. Kontrolom poslovnih knjiga stranke, utvrđeno je da se ti troškovi sastoje od troškova zakupnine poslovnog prostora u Mostaru u iznosu od 2.432,43 KM i zakupnine poslovnog prostora u Vitezu u iznosu od 900,00 KM.

- Ugovorom o zakupu poslovnog prostora zaključenog sa fizičkim licem A.F., utvrđeno je da su troškovi zakupnine poslovnog prostora koji je koristila politička stranka u Vitezu tokom 2022. godine iznosili 3.600,00 KM.

Stranka je u poslovnim knjigama evidentirala troškove zakupa poslovnog prostora u Vitezu u iznosu od 900,00 KM, što je za 2.700,00 KM manje u odnosu na stvarne troškove. Kako je već navedeno u nalazu², politička stranka je godišnji finansijski izvještaj popunila na nivou stranke, tako da je troškove zakupa poslovnog prostora u Vitezu evidentirala u okviru troškova Glavnog odbora Mostar.

- Stranka nije evidentirala trošak zakupnine poslovnog prostora u Mostaru, koji je koristila u periodu od 01.01. do 31.05.2022. godine. Ugovorom o zakupu koji je Hrvatska kršćanska demokratska unija Bosne i Hercegovine zaključila sa pravnim licem ToRo d.o.o. Mostar, pored mjesečne zakupnine ugovoreno je da politička stranka mjesečno, a počev od 01.06.2021. godine, plaća utrošak električne energije u paušalnom iznosu od 58,50 KM. Navedeni trošak, koji je u periodu od 01.01. do 31.12.2022. godine iznosio 702,00 KM politička stranka je iskazala u poslovnim knjigama i finansijskom izvještaju u iznosu od 351,00 KM, što je za 351,00 KM manje od stvarnih troškova električne energije.

- (6) Hrvatska kršćanska demokratska unija Bosne i Hercegovine nije u godišnjem finansijskom izvještaju iskazala tačne podatke o troškovima izborne kampanje.

U obrascu 4.2 (troškovi propagande) godišnjeg finansijskog izvještaja politička stranka nije iskazala troškove propagande.

² Detaljnije pod c) tačka (3).

Uvidom u račun dobavljača „Grafoprint“ d.o.o. Jajce broj: 2-1-273-664 od 30.09.2022. godine u iznosu od 900,00 KM, utvrđeno je da je stranka platila troškove izrade flajera i plakata (u dimenzijama A0, A1, A2) te da je troškove iskazala u obrascu 4.1 (režijsko-administrativni i ostali troškovi) godišnjeg finansijskog izvještaja kao troškove reklame i propagande.

Imajući u vidu da je stranka platila troškove za flajere i plakate u vrijeme izborne kampanje, stranka je troškove reklame i propagande u iznosu od 900,00 KM trebala iskazati u obrascu 4.2. godišnjeg finansijskog izvještaja.

- (7) Uvidom u finansijsku dokumentaciju političke stranke i knjigovodstvene isprave utvrđeno je da računi dobavljača nisu ovjereni za knjiženje i plaćanje³.

Dostavljeni računi dobavljača Knjigovodstveni servis „KS Saldo“ Jajce, Radiotelevizija Herceg-Bosne, „ToRo“ d.o.o. Mostar i „Grafoprint“ d.o.o. Jajce nisu ovjereni od strane Hrvatske kršćanske demokratske unije Bosne i Hercegovine, odnosno ne sadrže potpis primaoca kojim se potvrđuje prijem navedenih roba i usluga, te nisu ovjereni za knjiženje i plaćanje.

- (8) Stranka u postizbornom finansijskom izvještaju nije iskazala sve nenovčane donacije i troškove izborne kampanje, čime je prekršila odredbe člana 12. stav (3) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine i odredbe Pravilnika o predizbornim i postizbornim finansijskim izvještajima političkih stranaka („Službeni glasnik BiH” broj: 10/18 i 5/22).

- (9) Politička stranka je u skladu sa odredbom iz člana 12. stav (2) Zakona o finansiranju političkih stranaka⁴ imala obavezu da u godišnji finansijski izvještaj uključi koristi koje je ostvarila od aktivnosti udruženja „Hrvatski narodni sabor Bosne i Hercegovine“, kao njegova članica⁵.

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM po biraču u svakom izbornom krugu, prema broju birača koje je objavila Centralna izborna komisija BiH⁶. Prema podacima Centralne izborne komisije BiH, Hrvatska kršćanska demokratska unija Bosne i Hercegovine je u svrhu izborne kampanje mogla da potroši sredstva u iznosu od 333.921,95 KM.

Hrvatska kršćanska demokratska unija Bosne i Hercegovine u obrascu 4.2 godišnjeg finansijskog izvještaja za 2022. godinu nije iskazala troškove izborne kampanje.

Uvidom u raspoloživu dokumentaciju, utvrđeno je da je politička stranka ostvarila troškove izborne kampanje u iznosu od 900,00 KM⁷ koje nije iskazala u obrascu 4.2 godišnjeg finansijskog izvještaja za 2022. godinu.

³ Izuzetak su računi koje je isplaćivala Središnjica stranke putem blagajne, koji su ovjereni potpisom za isplatu.

⁴ Politička stranka obavezna je u svom izvještaju uključiti sve koristi ostvarene od aktivnosti subjekata koji su na bilo koji način povezani sa političkim strankama ili su pod njenom kontrolom.

⁵ Hrvatski narodni sabor Bosne i Hercegovine kao udruženje promovira političke stranke i njene članove, učestvuje u kreiranju programa koji su bitni samo političkim strankama, članicama ovog udruženja.

⁶ Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika općine odnosno gradonačelnika i za članove skupštine općine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

⁷ Dobavljač „Grafoprint“ d.o.o. Jajce broj: 2-1-273-664 od 30.09.2022. godine u iznosu od 900,00 KM.

5.2 PREPORUKE

Preporučuje se Hrvatskoj kršćanskoj demokratskoj uniji Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da svake godine donosi program utroška sredstava i da finansijska sredstva osigurana za finansiranje političke stranke koristi isključivo za ostvarivanje ciljeva utvrđenih svojim programom i statutom,*
- *da prijavljuje sve priloge bez obzira na koji način ih ostvaruje,*
- *da poslovne knjige vodi u skladu sa računovodstvenim propisima, odnosno da uspostavi pravilne evidencije o prihodima i rashodima,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i Pravilnikom o predizbornim i postizbornim finansijskim izvještajima političkih stranaka i*
- *da u finansijskom izvještaju iskaže sve koristi ostvarene od aktivnosti subjekata koji su na bilo koji način povezani sa strankom ili su pod njenom kontrolom.*

KOMENTAR:

U ostavljenom roku, Hrvatska kršćanska demokratska unija Bosne i Hercegovine se očitovala na Preliminarni izvještaj o pregledu godišnjeg finansijskog izvještaja za 2022. godinu. Uz očitovanje, politička stranka nije dostavila dodatne dokaze i dokumentaciju koji bi uticali na nalaze i mišljenje izneseno u Preliminarnom izvještaju, pa nalazi ostaju nepromijenjeni.

Šef Odsjeka za revizijske poslove

Sanja Tošović

Šef Odsjeka za predrevizijske i administrativne poslove

Rijad Selmanović